

*Longueville* 168  
168  
168  
LETTRE

DE 3461

MONSEIGNEVR

LE DVC DE

LONGVEVILLE.

AV ROY.

---

M. DC. XV.

1744  
coll 72

ACC 83-101(168)

LETTER

MONSIEUR

LE DUC DE

SAINT-PIERRE

AV. ROY.

---

M. D. C. XV



LE T T R E  
DE MONSIEIGNEVR LE  
DVC DE LONGVE-VILLE.  
A V R O Y.

S I R E,

Estant tres-assuré que vostre Majestén'a point sceu comme le Marechal d'Ancre s'est seruy de son nom & de son autorité, pour essayer de me faire assassiner; comme il a dé-ia fait Prouille & plusieurs autres; i'ay creu estre de mon deuoir de l'en aduertir, & luy dire comme Samedy dernier, son Lieutenant nomme Lõgueual, avec ceux de la Citadelle, pratiquerent deux traistres, pour me faire mander à Corbie, ou i'estois en moins de six heures pour le moins douze fois, pour aller à Amiens: disant qu'il estoit tres-necessaire, pour le bien de vostre seruice, & la conseruation, de la ville, que i'y allasse en

diligence, ce que ie fis, tout à l'heure, bien qu'il feust nuict, avec trois cheuaux seulement, ne voulant iamais perdre d'heure ny de temps à me porter à toutes les choses où ie me croiray propre de rendre à vostre M. des preues de ma fidelité, & de mō affection: estant arriué dans la ville, le peuple me vint offrir de faire garde deuant mon logis, ce que ie refusay, estant sans crainte, cōme i'estois sans coulpe, & le lēdemain comme ie disnois ceux de la Citadelle commencerent à crier par tout aux armes: & à dire au peuple qu'il y auoit mil cheuaux aux portes qui venoiēt pour les prendre, essayant par ce moyē de faire vne esmeute, ou ne doubttāt point que quelque peu accompagné que ie fusse ie ne me trouuasse, ils auoient resolu là de me tuer, de quoy vn de la partie plus hōme debiē que les autres, ne pouuant souffrir telles méchance-



té, me donna aduis, qui me fist resoudre de me saisir d'une porte, & les y attēdre comme ie fis plus d'une heure, deliberé de leur bien cher vendre ma vie, & leur faire paroistre ce que vaut vn homme de bien : mais eux voyans qu'ils ne pouuoient plus là executer leur pernicious dessein, ils m'enuoyerēt vne lettre qu'ils disoiēt (S I R E) estre de vous, par laquelle vous me declariez criminel de leze Majesté, & defēdiez à toutes les villes de mon Gouuernement de me recevoir, & ce qui me fit soudaĩ partir, biē que ie ne peusse croire vne telle iniustice, venir de V. M. veu que l'on ne me peut reprocher d'estre coupable d'aucune chose, veu que ie scay que iusques à mes pensees elles sont iustes, en ce qui est de vostre seruice, voyant aussi qu'ils n'auoient pas l'audace de m'attaquer, & qu'ils s'amusoient seulement à se bariquer dās

la ville. Ie m'en retournay à Corbie, ou mes amis me sont venus trouver pour empescher que l'on ne face encores quelque pareil desseing sur moy, & aussi pour ne poinct permettre que ces gens la prennent si grand force & autorité dans ceste Prouince, que quelque iour vostre Maieste n'y soit plus reconnuë ny obeie ( i'employe-  
 ray fort librement ma vie pour m'y opposer: ) Mais ie la supplie aussi humblement ne vouloir point prendre part à leurs interests, n'y souffrir qu'ils abusent desormais de vostre nom, & de vostre puissance, faisant cōme tous les Roys vos predecesseurs ont faict; qui est de se rendre neutre aux querelles particulieres, afin que ie puisse plus aisément m'opposer aux viollans desseings, que sans cesse ils ont sur ma vie & sur ma fortune, & ie sacrifieray apres l'un & l'autre fort fidellement pour



le seruice de vostre Maiefté comme  
estant

SIRE,

*Vostre tres-humble, tres-obeyssant,  
& tres-fidelle subiet  
Et seruiteur,*

HENRY D'ORLEANS.

THE UNIVERSITY OF CHICAGO

LIBRARY

1918

THE UNIVERSITY OF CHICAGO

LIBRARY

1918

THE UNIVERSITY OF CHICAGO

LIBRARY